



ШУНДАЙЛАР КЎП БЎЛСИН

Исматулла эндигина иш режасига кўз югуртираётганди. Эшик оҳиста чертилиб, хонага ўрта бўйли, малла сочли, бежиримгина кийинган, истарали, ёши 20-21 лар атрофидаги йигит кириб келди:

— Салом, Исматулла ака, — деди соф ўзбекчада мезбонни ўйга чўмдирган рус йигити.

Исматулла бир зум ҳайрон тикилиб турди-да, кейин кутилмаганда келган йигитни таниди:

— Ух-хў, азамат йигит бўлибсан-ку. Соғлиқларинг яхшими? Ота-онанг ва укаларинг соғ-омон юришибдими? — деди у бир вақтлар майда ўғирликлар содир қилвериб, ўзини хўп сарсон қилган Олег Скворцовнинг елкасига қўлини қўяркан. — Ҳалиям, агар адашмасам, Сирдарё шаҳридаги Маршак кўчаси, 11-уйда истиқомат қилаёсанми? Балким уйланиб ҳам олгандирсан-а?

— Йўқ, ҳали. Ахир, уйлангудек бўлсам, биринчи-

лар қаторида сизни тўйга таклиф қиламан-ку.

— Раҳмат, раҳмат. Яқинда «Ташсельмаш» заводининг Сирдарё шаҳридаги филиалида слесарь бўлиб ишлаётганимни эшитиб, беҳад хурсанд бўлдим. Энди бу ёғига ҳам дадил бўл...

Исматулла кўпчилик тенгдошлари сингари ўрта мактабни битиргач, олий илмгоҳга кириб ўқишга шойилмади. Ветеринар-фельдшер бўлиш ниятида Тошкент ветеринария техникумида яхши таълим олди. Техникумни тамомлаганидан кейин Сирдарё вилояти ветеринария-санитария отрядида ишлади. Сўнгра милицияга ўтди. Аввалига Сирдарё тумани ички ишлар бўлими соқчилик бўлимасига юборилди.

Мана етти йилдирки, у ички ишлар ходими. Соқчилик бўлимасида бир йил хизмат қилганидан сўнг участка вакилиликка ўтиб кетди.

— Бизнинг ишда оперативлик, синчковлик ва ҳушёрлик талаб қилинади. Бу-

ларсиз жиноят кўчасига кириб қолган ўсмирларни тўғри йўлга қайтариш мушкул, — дейди милиция катта лейтенанти Исматулла Тиркашев.

У балоғат ёшига етмаганлар билан ишлаш бўлимасининг участка вакили вазифасида ишлаб юрган даврида жамоат жойларида тартибсизлик содир этган ўсмирлардан талайгинасини тўғри йўлга тушиб кетишига кўмаклашди. Сирдарё туманининг Ленин номли жамоа хўжалигида яшовчи Алишер Насруллаев, шу туманининг «Шоликор» давлат хўжалигида истиқомат қилишгаётган Станислав Пак, Павел Ли сингари ёшлар эндиликда бу тиниб-тинчимас «участковой»дан беҳад миннатдорлар.

Милиция катта лейтенанти Исматулла Тиркашев ўтган йилнинг кўзида Охунбобоев номли жамоа хўжалигида участка вакили этиб тайинланган эди. Қисқа муддат ичида у шу қийин участкада жамоат тартибини бу-

зучи ўн нафарга яқин турли ёшдаги фуқарони тўғри йўлга солиб қўйди. Бир неча жиноятчилик ҳолатларини фожия эди. Унга хўжалик ҳудудида жойлашган 2-автокорхона маъмуриятининг кўмаги катта бўлаётди. Директор Василий Ермолаев Исматуллани бир ҳафта ичида ишхона билан таништиради. Хона мебель ва телефон билан жиҳозланган. Автокорхона ходимларидан айримлари кўнглили халқ дружиначиси сифатида жиноятчиларга қарши курашишда ёрдамлашиб туришибди.

Қишлоққа қоронғулик чўкиб, қиш оқшоми бошланди. Охунбобоев номли жамоа хўжалиги меҳнаткашлари дала ва уй-рўзгор ишларини тугатишиб, дам олиш соатларини кўнгилдагидек ўтказишга киришибди. Участка вакили, қишлоқ изқуvari Исматулла Тиркашев эса ҳамон хизмат постида. Унинг навбатчилик соатларида қишлоқда оёйишталикка озор етмайди. Қаҳрамон ҲОЖИЕВ.

ДОКА РЎМОЛ ҚУРИМАДИ

... Ҳазаб ва жаҳолат ўз ишини қилди. Ўзини йўқотиб қўйган Рауф ёстиқдошига бало-қазодек ташланди. Аёл калтаклар ва тепкилар тағида қолди. Кўзлари қонга тўлган Рауф алаждан тишларини асабий ги-жирлатиб: «Ҳали гап қайтаришни сенга кўрсатиб қўяман, лаянати», — дер эди. Н. Капустникова ўзини ҳимоя эта олмади. Ким билади дейсиз, агар дод-фарёда югуриб келган қўшнilar бўлмаганда, унинг паймонаси битган бўлармиди?..

Улар қора қонга беланиб, қолдан-тойган бу бечорани қутирган зўравон чангалидан базўр сақлаб қолишди. Аъзойи бадани калтак ва тепкилардан моматалоқ бўлган Н. Капустниковани «Тез ёрдам» орқали шифохонага олиб кетишди. Рауфни эса кўк «белбоғли» машинага ўтказишди.

... Рауф Горейшин Н. Капустникова билан 1983 йилдан буён қонунсиз яшаб келади. Тўғри, бошида ёмон яшашмади. Бир-бирига ғам-хўр, аҳил-иноқ эдилар. Аммо бора-бора уларнинг қонунсиз қурилган зўраки турмушларига дарз кета бошлади. Арзимаган нарсадан жанжал чиқарди. Қилдан қийик ахтарган Рауф умр йўлдошига қўл кўтариб, дўппослашни одат қилди. Хотини ҳам ҳақини бермайдиган, бетгачопарлардан экан. Оғзига эрк бериб, эрини қарғишу, ҳақоратларга кўмарди.

«Эр-хотин орасига эси кетган тушди», — дейди донолар. Маҳалла-қўй, кўни-қўшнilar шундай бўлса ҳам, уларни тартибга чақирмоқчи бўлишди. Аммо барча ҳаракатлар сувага оққан мисол бесамар кетди. Бу орада Рауф ёстиқдошини обдон калтаклаб, хуморидан чиқди. Бунинг учун у қонун ҳимоячиларидан жиддий огоҳлантириш олди. Аммо бу чора унга чивин чаққанчалик ҳам таъсир қилмади.

Орадан анча ўтиб ширакайф ҳолда Н. Капустниковага оғир тан жароҳати етказди. Рауф суд жараёнида ўзини минг хил қўйга солиб ялиниб-ёлвормасин энди кеч эди. Муштумзўр жиноят мажмуасининг 93-мрддаси II-қисми билан айбдор, деб топилиб, 1 йилу 6 ойга озодликдан маҳрум этилди. Аммо жумҳурият Президентининг мустақиллик эълон қилинганлиги муносабати билан авф этиш тўғрисидаги Фармонига асосан жазонинг муддати қисқартирилиб, тўққиз ой белгиланди. «Қилиш-қидирмиш», — деб шунга айтдиларди.

А. НОРҚУЛОВ.

АКС-САДО

ФИКРИМИЗ БИР ЭКАН

Ўзбекистонимиз мустақилликка эга бўлганига ҳам олти ойдан ошди. Ҳозиргача дунёдаги 94 мамлакат жумҳуриятимизни алоҳида давлат сифатида тан олди. Уша мамлакатлар билан бордин-келди қилиб, маданий, иқтисодий соҳаларда алоқалар боғлашга ҳаракат қилинапти. Бу яхши, лекин кам. Негаки, биз Хитой, Саудия Арабистони, Покистон, Ҳиндистон, Туркия, Афғонистон сингари давлатлардаги ҳаёт ҳақида ҳеч нарса билмаймиз. Рўзномаларда, ойномаларда шу ҳақда мақолалар ўқишни, ойнаи жаҳонда кўришни хоҳлаймиз. Лекин йўқ шунақа мақолалару кўрсатувлар. Бу борада «Постда»нинг 6 февраль кунги сониди эълон қилинган «Дадил қадам зарур» номли мақолада кўтарилган фикрларга мутлақо қўшйламан.

Бухоролик ҳамкасблар айтганидек, айниқса, бундай мулоқотлар ҳуқуқ-тартибот ходимлари учун фойда зарур. Узаро тақриба алмашиб турилса, бордин-келди қилинса, жиноятчиликни камайтиришга нафи теккан бўларди.

Мадамин РАЖАЕ ўғли.

КЎЧМА ТАҲРИРИЯТ НАМАНГАН ВИЛОЯТИДА

«Постда» рўзномасининг кўчма таҳририяти яқинда Наманган вилояти бўйлаб сафардан қайтди. Ушбу вилоятнинг ҳуқуқ-тартибот идоралари фаолиятига бағишланган материаллар билан рўзномамизнинг 2, 3-бетларида танишасиз.

Тўрткўл тумани ИИБ ходимлари ароқхўр ва гиёҳвандларга жиддий эътибор қаратмоқдалар.

1991 йилда суд ҳукми билан мажбурий давола-нишга 15 киши жўнатилди.

— Самарқанддаги мажбурий даволаш муассасасига юборилган 12 киши-

дан 3 нафари Р. Сариев, Б. Туримбетов, Ю. Дўстжоновлар қочиб кетишган, — дейди ҳуқуқбузарлик олдини олиш бўлимаси бошлиғи милиция майори И.



ТОПИШГАНЛАР

Кўхна Бухоронинг таърифи кимларни мафтун этмайди. Шундай мўтабар жойларда жиноят қилиш у ёқда турсин, қаттиқ гапириб ҳам гуноҳдек туюлади.

Аждодлар тиклаб кетган ёдгорликларни ўз кўзи билан кўриш ҳар кимнинг орзуси.

Навоний шаҳридан йўлга чиққан Владимирни Бухорон Шарифга ёдгорликларни зиёрат қилиш нияти эмас, ўзгаларнинг мол-мулкни ўмариш илжини тортди.

Бу ерда худди шу ниятда юрган Қаҳрамон билан учрашиб қолди. Иккиси ҳам аввал «ўтирган»лардан экан. Қизиқишлари, ҳунарлари бир хил. Тезда апоқ-чапоқ бўлиб кетишди.

Биринчи қадамни Р. Байсенова хонадонидан бошлашди. Шўрликнинг 451 сўмлик буюмларини ўмаришди. Ҳозир эски-тускининг ҳам бозори чаққон.

Т. Кубековнинг уйи уларга жуда ёқиб тушди. Уғрибоп эканда, 4 донга тилла тиш қопламасини (эски нархда 1200 сўмлик), 150 сўмлик тилла зиракни, 250 сўмлик хорикда ишланган этикни, 150 сўмлик куртани, 300 сўмлик атирини уй соҳибининг бир парча матосига авайлаб боғлашдида, оғизлари қулоғида пусиб чиқиб кетишди. Хуллас, эски

ЯНА МИЛИЦИЯ ОВОРА

Валиев. — Милиция ходимлари уларни бир эмас, уч марта бўлимга келтиришди.

Афсуски, соғ эмас, маст ҳолатда. Муассасада қаттиқ назоратнинг йўқлиги туфайли ҳам улар давола-ниш ўринга қочиб кетиб, нчкиликка қайта ружу қўймоқдалар. Оқибатда яна милиция ходимларининг овора бўлгани қолмоқда, холос.

С. БОБОЕВ.

СУРАТДА: Тўрткўл тумани ИИБ ходимлари (чапдан) милиция майори И. Валиев, участка инспекторлари милиция лейтенантлари И. Душиев, Р. Яхшимуродовлар фуқаро билан суҳбатлашмоқдалар.

Муаллиф олган сурат.

нархда жами 2550 сўмлик мол-мулк уларники бўлди-қўйди.

Фуқаро К. Макидова рўзгорини зўрға тебратаркан. Аммо яхшилаб қидирган ул-бул топмай қўймаскан. 893 сўмлик нарса бу икки шахснинг ўлжасига айланди.

Уларнинг иштакиси тобора очилиб боради, ўғирланган бегона буюмларга ҳам харидорлар дарров топила қоларди. Владимир ва Қаҳрамонларни эса бу янада руҳлантирар, кўнглилари тобора ҳашаматни истарди. Назарларида ўғирларнинг пири уларни қўллаб-қувватлаётгандай эди.

Эндиги ўлжа катта бўлиши ва саёхатларини бошқа шаҳарда давом эттириш учун замин яратиш керак. Шу мақсадда улар яна йўлга чиқибди. Бироқ...

Вилоят ИИБ ходимлари уларни тўхатиб текширишди. Владимир Деминнинг ёнидан 14 грамм марихуана топилди.

Терговда Владимирнинг 1965 йилда туғилганлиги, муқаддам судланганига қарамасдан, бирон ишнинг бошини тутмаганлиги, яна илгариги ҳунари билан шуғулланаётганлиги маълум бўлди.

Унинг шериги, 23 ёшли Қаҳрамон Ятимовнинг таржиман ҳоли ҳам Владимирникидан қолишмас экан. Ухшатмагунча учратмас, деб шунга айтсалар керакда.

Нур БАДИА.

КЎЧМАТАҲРИРИЯТ

Бугунги кунда ким билан мулоқотда бўлманг, бозор иқтисодиёти муносабати билан ўлкамизда тақчиллик ҳамда қимматчилик юзага келганидан нолийди. Гўёки жиноятчиликнинг гуркираб ўсишига ана шу жиҳат

кенг имконият яратяпти. Ҳақиқатдан ҳам шундайми?

— Юзаки қараганда шундай, — дейди Учқўрғон тумани ИИБ бошлиғи милиция подполковниги Асадулло ҒАФУРОВ.

БИЗНИНГ МУСОҲАБА

ИЗЛАНИШ ЗАРУРАТИ

гача бутунлай бошқа соҳа мутахассисларини нуфузли лавозимларда ишлатиб келишди.

— Яна аввал бошлаган мавзуга қайтадиган бўлсак, сиз жиноятчиликни янгича ишлаш туфайлигина жиловлаш мумкин дедикми?

— Тўппа-тўғри. Ўтган йилда биз туманимизда милиция маҳкамаларини ташкил этдик. Ҳозирги кунда тўртта шундай маҳкама бор.

— Шу ҳақда батафсилроқ...

— Албатта. Маҳкама деганимиз шаҳарлардаги милиция бўлиmlаридек гап. Маҳкамаларимизда терговчи ҳам, иқтисодий жиноятчилик билан курашувчи ходимлар ҳам, ЖК вакиллари ҳам, ДАН инспекторлари ҳам бўлади. Ҳатто пост-патрул хизмати ходимларидан ҳам жалб этганмиз. Бу энг аввало ўша ердаги маҳаллий аҳоли учун қулайлик бўлди. Худабехуда Учқўрғонга келишдек ташвишдан озод этилдилар. Қолаверса, ўша маҳкамалар қошида кенгаш туздик. Бу кенгашга маҳалла фаолларини, оқсоқолларини ҳам аъзо қилдик.

— Бунинг самараси бўлди-ми?

— Ўтган йили содир этилган жиноятлар очилиши 83 фоизни ташкил қилди. Лекин бу кўрсаткич бизни қаноатлантирмайди. Ҳар қандай қонунбузарлик муносиб баҳосини топмас экан, халқ ҳурматида унинг умидни узаверинг. Шу боис хизматимизни янада такомиллаштириш йўллари кидираймиз.

— Аниқроғи...

— Бизда ўсмирлар орасида қонунни бузиш ҳоллари кўпроқ учрайди. Шунинг назарга олиб, ўрта мактаблар билан алоқани яхшилашга ҳуқуқшунослик бōрасида кўпроқ тушунчалар беришга қарор қилдик. Кейинроқ эса ажойиб таъаббус туғилиб қолди. Туманимизда 38 та ўрта мактаб бор. Шу мактаблардан тийрак, соғлом ва бақувват болаларни танилаб олиб, алоҳида синф ташкил этдик. Ҳозир бу болаларга мавжуд дастурга мувофиқ ИИБ, суд ва прокуратура ходимлари сабоқ беришмоқдалар. Қисқаси уларда милиция ишига бўлган қизиқишни кучайтиришга, қонун-қоидалар билан ҳозирдан таништириб боришга ҳаракат қилияпмиз. Келгусида улардан яхшигина милиция ходимлари етишиб чи-

қади, деган умиддамиз. Ҳаммага маълум, Тошкентдаги олий ва ўрта махсус милиция мактаблари ИИБ тасарруфиди. Шундан фойдаланиб, ўқувчиларни мактабни битирганларидан сўнг шу билим юртига тавсия қилмоқчимиз.

— Демак, қаловини топса, қор ёнади, деган нақл бежиз эмас. Унда сиз ўзингиз раҳбарлик қилаётган бўлишда ҳамма муаммоларни юқоридан аралашув ёки ёрдам кутмаган ҳолда бартараф қилиш имкониятига эга экансизда?

— Нима десам экан, хизмат самарадорлигини ошириш аввало ўзимизга боғлиқ. Биз Учқўрғон туманида осойишталикни таъминлашга масъул эканмиз, ўз араваимизни ўзимиз тортишимиз керак. Четдан биров келиб оғиримизни енгил қилмайди. Фақат қонун-қондаларни замонавийлаштиришга кўмак беришса, яхши бўларди.

Мисол учун айтганда, гиёҳвандликка қарши кураш бугуннинг энг зарур, долзарб вазифаси. Аммо гиёҳвандликни таг-томири билан қуритишга ожизмиз. Нега? 1987 йил 27 декабрь куни Москвада собоқ ССЖИ Олий Судининг пленуми бўлиб, нашага боғлиқ иш очилса-ю, ашъвий далил Ҳиндистонникими, жанубий Манжурияникими ёки жанубий Кореяникими — аниқланмаса, айбланувчини жавобгарликка тортиш мумкин эмас, деган мазмунда қарор чиқарилган. Ваҳоланки, ўша нашанинг қаерники эканлигини аниқлаб берадиган бирорта ҳам лаборатория йўқ Ўзбекистонда. Шунга қарамадан қарор қанузга-ча бизда амал қилиб келяпти. Ёқангни ушлайсан киши. Ахир, иттифоқ алақачон тугаган бўлса-ю, ўша даврда чиқарилган, умрини яшаб бўлган қонунни янгилашни ҳеч ким ўйламасди! Айни пайтда наша сотган ёки наша чекканларни жазолаяпмиз, аммо уни етиштирганни ҳеч нарса қилолмапмиз. Кўряпсизми, қонунларимиз вақтдан анча-мунча ортда қолган. Бу эса ҳуқуқ-тартибот ходимлари учун кишандан ўзга нарса эмас.

Қисқаси, бугунги кунга келиб, эскичасига ишлаш мумкин эмаслигини ҳаётнинг ўзи тасдиқлаяпти. Лўнда қилиб айтганда, қайси соҳада бўлмасин, излашмасанг, интилмасанг, муваффақиятларга хомтаъма бўлма.

Суҳбатдош
Раҳмон АЛИ.

ЁШЛИК БЕБОШЛИК ЭМАС

Ёшлик инсон умрининг яратувчилик даври. Афсуски, баъзилар уни бебошликка бой бермоқдалар. Безорилик ва ўғирликлар содир этилмоқда.

Абдумуталлиб Абдуллаевнинг судланишига арзимаган нарса сабаб бўлди. Шунчаки улфатчилик, ичкиликбозлик 24 ёшли йигитни безорига чиқарди-қўйди. У қилимишга яраша икки йил мажбурий меҳнатга жалб этиш билан жазоланди.

Ҳамма жамиятда ҳам ўғирлик оғир жиноят ҳисобланган. Бугун у юртимизда ёшлар томонидан содир этилаётгани жуда ачинарлидир.

А. Қамбаров 1972 йилда Уйчи қишлоғида туғилган. 1990 йилнинг сентябрь ойида туман халқ суди томонидан Ўзбекистон жиноят кодексининг 91-моддаси 2-қисми билан бир йил муддатга ахлоқ тузатиш ишига ҳукм қилинган. Сўнгги вақтда Уйчи қишлоғидаги Ленин кўчасида яшаб, пойфазал фабрикасида ишлаган.

Унинг дўсти Шокиржон Абдурахимов ҳам уйчилик. Бобур кўчасида яшаб, қеч қаерда ишламаган.

Суд жараёнида аниқланишча, А. Қамбаров бир танишининг тўйида Шокиржонни учратиб, ундан 200 сўм қарз сўраган. Аммо бунча пулни қаердан олсини? «Сенга ҳам, менга ҳам пул керак, — деб гапни узоқдан бошлади Қамбаров. — Муллажирингни бизга ҳеч ким бермайди. Ўзимиз топишимиз лозим. Маҳмадjonнинг уйига ўғирликка борамиз».

Шундай қилиб, «кетдик-кетдик» билан эгасиз хонадондан 4459 сўмлик буюмлар ўтариб кетилди. Лекин мақсадларига етолмадилар. Сўлари фoш бўлди. Энди кўзларида ёш. А. Қамбаров 6 йил муддатга озодликдан маҳрум этилди. Ш. Абдурахимов эса 5 йилга кесилди. Улар ҳам кучайтирилган режими ўрнатилган ахлоқ-тузатиш меҳнат колонияларига жўнатилди. Маҳкумларнинг ўзига тегишли мол-мулклар

ри эса давлат фойдасига мушодара этилди.

Маъруфжон Ғафоров ҳали ўн саккиз ёшга кирмай туриб, иккинчи марта судланиб улгурди. 1990 йилнинг декабрида Ўзбекистон жиноят кодексининг 125-моддаси 3-қисми билан айбли, деб топилиб, икки йилга озодликдан маҳрум этилган, бироқ ҳукм ижроси бир йилга кечиктирилган эди. Ўтган йилнинг октябрь ойига қадар Қизилравот қишлоқ Шўросининг Шалдирама кўчасида яшаб, бирон ерда ишламаган. М. Ғафоров ўғирлик қилиб судланган. Жазоланиб, шарманда бўлган. Лекин у бундан хулоса чиқармади. Иккинчи марта бу жинoий ҳаракатини такрорлади. Кейинги гал М. Худойбердиев билан шерикчилик қилди.

Успиринлар Шалдирама кўчасидаги Ф. Мўминов уйига ҳовлида ҳеч ким йўқлигидан фойдаланиб киришди. Мирзохид Худойбердиев кўчада пойлоқчилик қилди. М. Ғафоров эса уйдан «ВАЗ-2101» белгили автомашинанинг икки дoна филдиранини ўтариб чиқди. Буюмларнинг давлат баҳоси минг сўм атрофида. Ўғирларни ҳеч ким пайқамади. Улар матoҳларни пуллагач, ғалаба нашидасини суриш учун ресторoнга бoришди. Кейин Тошкентга жўнаворишди. Аммо бузоқнинг югургани сомонхонагача, деб халқ бекорга айтмаган экан...

Суд М. Ғафоровга 6 йил озодликдан маҳрум этиш жазосини белгилади. Унинг тенгдоши М. Худойбердиев эса уч йилга озодликдан маҳрум этилди. Ҳукм ижроси икки йилга кечиктирилди.

Катта ҳаёт бўсағасида турган ёшларнинг қора курсига ўтириши — фожиамиз. Уларнинг тарбияси билан жиддий шугулланишимиз ниҳоятда зарур. Акс ҳолда порлоқ келажак, деган орзулар пуч ҳайқириклар бўлиб қолаверади.

Ҳуррият ОХУНОВА,
Наманган.



«ЖЎЖА» ВА «ХҲРОЗ»

Мен тилга олмоқчи бўлган йигитнинг энгагига эндигина уч-тўртта тук чиққан бўлиши мумкин. Еши йигирма тўртда. Йигит умрининг йигирма бешинга ўтиши арафасида қўлини қон қилди. Чуст шаҳрининг Навоний кўчасида 64 ёшли Х. Исмоиловнинг ҳаётига зомин бўлди.

Қани энди, иккони бўлса, кексага қўл кўта-

ришга қандай ҳаднинг сизди десанг. Кексалар қарғишни сўнгги чегарада айтдилар... Кексалар қарғиш ёмон...

Иккинчи худобезори ҳам чустлик, «Москва» давлат хўжалигидан қўним топган. 32 ёшли бу шахснинг ҳам исми шарифини айтмаймиз. Уни жамoат тартибини бузган-

лиги учун ички ишлар бўлимига олиб келишaётганда, чап олкасидаги шайтоннинг «ҳа-ҳа»си билан милиция ходимини савалай кетди Оқибатини ўйламади. Милиция ходими ундан етти ёш ички эди. Фақат ақлан эмас, жисмонан.

Оқибат: милиционер суд-тиббий кўригига юборилди, етти кўйлак ортқ йчртган «катта» керакли жойга олиб кетилди.

Э. САТТОРОВ.

«МАТОНАТ» ЁКИ...

Мен ҳозир тўққизинчи синфда ўқияпман. Рўзномангизга ниҳоятда қизиқаман. Милиционер бўлишни орзу қилардим. «Постда» орзумни қатъийлаштирди. Бунинг учун рўзнома ижодкорларидан миннатдорман.

Кўпчилик қатори мен ҳам рўзномага янги ном топишга ҳаракат қилдим. Масалан, «Юрт посбонлари», «Матонат» ёки «Довюрoк посбонлар».

Ҳурмат билан
Улуғбек БАРАНОВ,
Йиғиқўрғон тумани.

Милиция капитани Шарофиддин Уриновнинг милицияда ишлай бошлаганига ўн йилдан ошди. Шу давр мобайнида у ўзини тиниб-тинчимас участка вакили сифатида намоён этди. Айни кунларда эса Наманган шаҳар Совет тумани ИИБда оператив навбатчи лавозимида хизмат қилмоқда.

Жиноятнинг изи соҳмасдан туриб очилишида унинг хизмати беқиёс.

Суратни
А. НАЙМУШИН олган.

НАМАНГАН ВИЛОЯТИДА

...Қаердаки дўкон сотувчилари йиғилиш ўтказадиган бўлса, у ҳозир нозир. Гўёки Ҳизр бувадек. Кутилмаганда кўзга ташланиб, кутилмаганда ғойиб бўларди. Худди осмонга учиб кетгандек ёки ерга кириб кетгандек. Мудирлар ва ҳатто катта «хўжайин»лар ҳам узоқ йиллар савдода «қоқилмай» ишлаб, «ўз хўрамат»и билан нафақага чиққан бу кишини (исм-шарифи Қутбиддин Уматов бўлсада): «Қори ака», — деб чақирарди.

Қори ака бу сафар Ҳаққулободдаги туманлараро улгуржи савдо базасида бирданига намоён бўлди. Сариқ «Жигули»сини бир четга қўйдида, пулни пулга уриштириб, шитирлашдан пул ясайдиганларга яқинлашди.

— Э, Қори ака, келинг,

— Сизни ҳурмат қиламиз, Қори ака, аммо бунингизнинг устига қўйиб бўлмайди. Ўзимизда ҳам бор, қолаверса, — деди.

— «Берди»сини айтгунча сабр қилинларда, ахир! — деди Қори ака сал жиғибийрон бўлиб. — Қаранг, бўтам, ёрликда нархи қанча ёзилган? Ҳа, баракалла, 9 сўм 70 тийин. Сизлар 6 сўмдан, мана буниси 8 сўм 70 тийин, бунга 5 сўмдан бераверинлар. Аммо нақд.

— Бу сиз... сизга...

— Нима демоқчи бўлганингни тушундим. Мен афанди эмасман тухумни ўн тийиндан сотиб олиб, бўягандан кейин тўққиз тийиндан сотгани. Хуллас, биздан мол, сизлардан ақча. Лаббай, келишамизми?

— Тажрибангизни ўрганиш керак экан. Хўш, таъминотчи ким бўлади?

бошлади. Айни пайтда сотувчининг юзидаги ўзгаришни ҳам эътибордан четда қолдирмади. Унинг юзи хил оқарганини кўриб, мақсад амалга ошаётганини сезди.

— Андижон трикотаж фабрикасида ишланган экан. Қани, фактурасини ҳам кўрайлик.

Сотувчи бу талабдан буткул эсанкираб қолди. «Иш пачава бўлди ҳисоб. Ишқилиб тугундаги Қори ака ташлаб кетганларига кўзи тушмасида», — деб типирчилади у.

— Бошқасини кўриб туринг, ҳозир топамиз. Мен «импорт»идан топиб бераман.

— Йўқ, мен шунисини кўрмоқчиман, ия, тугундаги нима? Бу ҳам аёллар ичкўйлагику?!

Айни шу вақтнинг ўзида

Ҳа, ҳикоямизнинг бошида айтганимиздек, савдо ходимлари бекорга кулишмаганди. Қори аканинг иккинчи хотини Андижонда истиқомат қилади. Исм-шарифи Сарбархон Раҳмонова. Бир куни у: «Хўжайин, иккита оилангиз бор, тагингизда машина, каллангизда гиж-гиж ақл, пул топишни ўйланг», — дебди. Кейин яна: «Андижон трикотаж фабрикасида танишларим бор, убу нарсаларни олиб чиқиб беришади. Қолганини ўргатишга ҳожат йўқ», — деб қўшиб қўйибди. Бу аёл чайқовчилик билан шуғуллангани учун муқаддам судланган экан.

Яна терговда шу нарсалар аниқланди: Сарбархонни фабрика ишчиларидан Э. Шоввозова, Т. Абдуллаева ва бригада бошлиғи М. Муротовалар ўғирлик мол билан таъминлаб туришаркан. Улар маҳсулотни фабрика деворидан ташқарига отишар, кейин яқин бўлгани учун Муротованикига олиб келишар экан. Бу ерда ичкўйлақлар ва ёрликлар жамғарилгач, Шоввозованикига элтишаркан. Ёрлик ёпиштириб, тайёрланган молларни Қори аканинг «Жигули»си «ютиб» юбәраркан.

Андижон трикотаж фабрикасида Ўзбекистон енгил саноатининг малакали муҳассислари тафтиш ўтказдилар. Лекин шунча мол олиб чиқиб кетилган бўлсада, камомад аниқлашмади. Буни ўйлавериб-ўйлавериб, баъзи тафтишчиларнинг боши Алдарқўсаннинг ияига ўхшаб яланғоч бўлиб қолди.

— Мен ҳам бу жумбоқ билан қизикдим, — дейди терговчи М. Тожибоев, — технология талабга жавоб бермайди, дейишди. Балким...

Аммо қоровуллар ўз ишларига совуққонлик билан қарашган. Мен билан суҳбатда юқорида номлари тилга олинган аёллар: «Бошқа хотинлар ҳам уч-тўртта кўйлакни ичидан кийиб олиб, фабрикадан ташқарига чиқиб кетаверади. Қоровул кўйлакни кўтариб кўрмайдику», — дейишди.

Кейин кийимларга ўлчов қўйишда устасифаранглик қилишган. 46 ўрнмга 48, 48 ўрнмга 50 қўйилаверган. Бир кунлик маҳсулотдаги фарқни ўйлаб кўринг. Мана, камомад қай йўл билан қопланган!

— Эшитишимга қараганда, — деб сўзини давом эттирди терговчи, — яқинда тумандаги дўкон мудирларидан бирига қандайдир одам келибди. «Мана булардан олиб келгандим, агар келишасан...» — деб шаъма қилибди. Мудир эса «Анувининг умматлариданмисан? Обруйинг борида туёгининг шиқиллат. Бўлмаса сени ечинтириб, ичкўйлақдан бирини кийдириб, бирини бошингга ўраб, милицияга олиб бораман», — деб жавоб қилибди...

Неъматжон МАМАЖОНОВ,
милиция майори.



Учқўрғон тумани ИИБ ходимлари кейинги йилларда жиноятчиликнинг ўсиб бориш суръатини бирмунча камайтиришга эришдилар. Бунда бўлимда хизмат қилаётган ҳар бир милиционернинг алоҳида ҳиссаси бор.

СУРАТДА: (чапдан) ЖҚБ бошлиғи милиция капитани Раҳимжон Бойчибоев, жамоат тартибни сақлаш катта инспектори милиция капитани Абдумалик Отажонов ва ИИБ бошлиғи ўринбосари милиция подполковниги Достон Орифжоновлар жиноятчилардан тортиб олинган ўқотар қуролларни кўздан кечирмоқдалар.

Сураткаш А. НАИМУШИН.

КЕЛАЖАК ЭГАЛАРИ

Халқимизда: «Бола азиз, одоби ундан азиз», — деган ажойиб нақл бор. Кўча-кўйда кўпгина болаларнинг катталарга йўл бўша-тиб, одоб билан салом берганини кўриб, ҳавас қиласан. Айрим она сўти оғзидан кетмаган ўсирилларнинг эса қаерда юрган-турганини ҳам унутиб, беҳаёларча ҳатти-ҳаракат қилаётганини учратиб, хуноб бўласан, киши. Баъзилари ҳатто тўқликка шўхлик йўлига кирган, текин даромад орқасидан қувган. Жомашуйдаги 13-ўрта мактабнинг 9-синф ўқувчиси Баҳодир Бахтибоев ва 1-кечки ишчи-ёшлар мактаби ўқувчиси Фарҳод Жаҳбаровлар деҳқон бозори олдида «Астра» сигаретасининг ҳар донасини уч сўмдан пуллашайтганларидеки милиция ходимлари томонидан ушланди.

Тумандаги 38-ўлиқсиз ўрта мактабнинг 9-синф ўқувчиси Феруза Мамадалиева эса уйдан сўроқсиз чиқиб кетишга одатланган. Туман Кенгаши ижроия қўмитаси қошидаги балоғатга етмаганлар иши билан шуғулланувчи комиссия ҳамда ИИБ ходимлари маслаҳатлашиб, уни ёпиқ типдаги ҳунартехника билим юртига юборишни лозим деб топди.

Юқоридаги мисолларни биз бекорга келтираётганимиз йўқ. Чунки ҳозирги танглик даври келажагимиз саналимиш фарзандларимиз тарбиясига катта таъсир кўрсатмоқда. Шундай пайтларда кенг жамоатчилик ёрдами зарурдир. «Менинг болам эмас-ку, ишми нима», — деган ўй-хаёлни мутлақо унутмоғимиз лозим. Ана шундагина жумҳуриятимиз келажаги порлоқ бўлади.

Г. РАСУЛОВ,
Наманган вилоятидаги Задар тумани ИИБ балоғатга етмаганлар иши билан шуғулланувчи бўлим маси катта инспектори милиция катта лейтенанти.

ИЧКЎЙЛАК ЖАҲАНҒОМАСИ

қадамларига ҳасанот, бугун савдони илмий ташкил этиш мавзусидаги маърузаларидан баҳраманд бўларканмизда!... — деб кулги аралаш чувилашди тўп-ланганлар.

Қори ака уларга бир-бир назар ташлагач, нмо билан машинаси томон бошлади.

— Қулоққа айтадиган гап бор.

Кейин ёши 61 дан ошган бўлсада, иягига тук чиқмаган ўспириннинг гайрати билан «Жигули» эшигини очди. Битта аёллар ичкўйлагини олиб, ёрлик ёпиштирилган томонини кўрсатди.

— Мана шу матоҳдан бор, кейин болалар футболкасию майкасида ҳам.

Савдо ходимлари эса бир гала каптар кўтарилгани каби қаҳқаҳа отишди.

— Бу аёлларникику, Қори ака, тинчликми?

— Қариганда, а?...

— Шўхлигингиз қолмади-қолмадида...

Қори ака ноқулай аҳволга тушди. Сал помидорга ўхшагандай бўлди.

— Ҳазилини қўйинлар, хотиннинг маслаҳатига кириб...

Бу гапни ҳам кулгига сабаб бўлди.

— Қайси бирининг, Қори ака?

— Иккинчиси бўлса керакда!

— Кичик янгамиз ўткирроқ эканми?

Кулги узоқ давом этди. Охири сотувчилардан бири кулгининг зўридан кўздан сизиб чиққан ёшини нафти билан артаркан:

— Ҳалидан бери ҳўкизнинг қулоғига тавбур чертаётганим йўқ. Таъминотчиси ўзим. Бунини қизил шапка кийганларнинг валломати ҳам сезмайди.

Шарақлаб қўллар қўлга урилди. Келишилди. Бироқ савдода беқисс тажриба орттирган Қори ака бу ишни ҳеч қим билмайди, деб катта кетган экан. Бирмунча вақт ўтгач, ҳуфёна савдо ҳақидаги маълумотлар ИИБ бошлиғи милиция полковниги Абдуғаффор Азимов қулоғига етиб келди. Оператив ишларда суяғи қотган раҳбар хаёлида пинаётган режасини иложи борида сир сақлаб, алоқадор шахсларнинг ҳаммасини бир пайтда қўлга олишни ўйларди. Қори ака фаолиятининг бир учи Андижон вилоятига боғланган. Бироқ қаерга?

У иқтисодий жиноятчилик билан кураш бўлинимаси катта оператив вакили милиция майори Солижон Рашидовни ҳузурига таклиф этди.

— Мана бу маълумот билан танишиб, режа тузинг, Менимча, назардан четроқдаги, масалан, Тельман участкасидаги дўкондан бошлаганингиз дурустроқ бўлади.

Текширув маълумотнинг қадрини оширган молга алоқаси бўлмаган ашёлардан бошланди. Шундан алдангани ёки «иш»нинг пишқилигига ишонгани, ҳарқалай савдо ходими хотиржам эди.

Навбат аёллар ичкўйлагига келди. Катта опервакил ёрлиқни кўздан кечира

Учқўрғон тумани матлубот жамиятига қарашли 1-дўкон мудир Усмонжон Тожибоев, Норин тумани матлубот жамиятига қарашли дўконлар мудирлари Қурбонали Комилов, Турсунбой Нозимов, Қодиржон Қоратоев, Яхшибой Ирисовларда текширув бошланди. Натижада шу дўконларда сотишга улгурилмаган фактурасиз 38 минг дона аёллар ичкўйлаги борлиги аниқланди.

Тергов ҳаракатларини олиб бориш милиция майорлари Қобулжон Турғунов ва Муҳаммаджон Тожибоевларга топширилди. Шу орада М. Тожибоев вилоят ИИБга катта терговчи вазифасига тайинланди. Аммо тергов бўлимининг бошлиғи милиция полковниги Маҳмуджон Нуриддинов Тожибоевга:

— Ишни жойида давом эттириб яқунланг, сизга ишонамиз, — деди.

Таъминотчи Қори ака, йўғе, Қутбиддин Уматов эса навбатдаги маҳсулотлар ортилган «ВАЗ-2103 белгили машинасини нақ самолётдай учуриб келаётганда, Норин тумани худудида қўлга олинди. Машинасидаги 360 дона ичкўйлақ мусодара қилинди.

— Бизга кўп нарса маълум, аммо ўзларидан икки оғиз эшитишга муштоқмиз, — деди терговчи.

Қори ака чуқур ух тортди.

— Ўзимни шохиди юрман, деб ўйлардим, сизлар баргидека юраркансизлар. Иккинчи хотиннинг гапига кириб...

А Ф С У С...

ноҳ?» сарлавҳали жақола ни ўқиб, изтироб ўтида қоврилганман. Ҳар қандай оғир жазо бундай бешарм, беҳаё, бузуқилар учун оз, жуда оз.

Бир пайтлар юртимизда болалар уйи бўлмаган. Бир пайтлар аёл нони, она каломи муқаддас бўлган. Бир пайтлар онда-сонда учрайдиган юзсизлар учун пах-

са девор бўлган... Ҳозирчи? Ҳозир бекат бор, ҳозир ахлатхона бор, каналлар бор... Бундайларни тийиб қўядиган адолатли жазо йўқ! Афсус, минг афсус!

Мақсуда АҚБАРОВА,
Поп тумани.

Рўзномангиздан гулистонлик Ҳабиба Норхўжаеванинг «Аямаслик керак» номли мақоласини ўқиб, кўнглимдаги гилларнинг айнан ўзи эканлигини билдим.

Мен ҳам «Гудакда не гу-

СУД ЗАЛИДАГИ УИЛАР

ҚОРА КУРСИ «ҚАДРДОН»И

Туманимизда Расулжон акани танимайдиган-билмайдиган кишилар кам топилади. Умрини далада пахтачилик бригадасининг бошлиғи бўлиб ўтказган, айна пайтда кексалик гаштини беташвиш кечиршига ҳақли бу одамни ҳамма ҳурматлайди. Аммо ноқобил фарзанд туфайли чойхоналарнинг турида тенгмўйсалари билан чой ичиб, чақчақлашиб ўтириш ҳозирча насиб қилмаяпти унга.

Бундан ўттиз беш йил муқаддам хонадонидан чақалоқ йиғиси эшитилган маҳалда унинг қанчалар қувонганини тасаввур қилиш кўп душвор. Ҳар ҳолда дунё кўзига янада боқира, янада чароғон кўрингани аниқ. Меҳнатдан бахт топанлиги, деҳқончилик касб-кори бўлганлиги учун бир парча эт шаклидаги зурриёдига яхши ният билан Баракабой деб исм қўйди.

Аммо ўғил у орзу қилгандек боодоб фарзанд бўлмади. Начора, чиқмаган жондан умид, дейишади. Расулжон ака ҳар эрта баҳордан гўзасига умид билан тикилавериб, ўрганиб қолган. Сабр қилди. Оилали бўлгач, қўйилиб қолар, деб ўйлади ва тенгдошларидан эрталоқ уйлаб қўйди. Аммо бундан ҳам фойда кўрмади. Баракабой Қурбонов 1981 йилда маҳаллада атайлаб жанжал чиқарди, бегуноҳларни калтаклаб, тан жароҳати етказди. Бу қилмиши учун жиноят мажмуасининг 88-моддаси «А» бандига асосан бир ярим йил муддатга озодликдан маҳрум этилди.

Кўр ҳассасини бир марта йўқотади, деган нақлнинг тўғрилигига ҳам шубҳам бор. Сабаби — Баракабой жазодан хулоса чиқармади. Бекорчилик унинг севган машғулотли бўлиб қолаверди. Рўзгордаги оғирликнинг ҳеч бўлмаса бир қисмини гарданияга олишни минбаъд ўйламади. Бу яна Расулжон ака зиммасида қолаверди. Буниси ҳам ҳолва экан. У навбатдаги безорилиги учун вилоят суди томонидан олти ойга қамалди. Тўғри, олти ой сиз ва биз учун эҳтимол киприк қоққудек вақтдир. Аммо Расулжон ака учун гоят узоқ муд-

дат эканлигига шубҳам йўқ. Чунки у ота, ўз пушти камаридан пайдо бўлган боласини «пуф, сасиқ»қа чиқариб қўя олмайди. Риштон-Фарғона йўлида олти ой давомида бўзчининг моксидек қатнайвериб, ҳолдан тойди.

Ниҳоят, отанинг сўнгини лабларида синиқ табассум балқиди. Ўғли яна озодликка чиқди. Оиладаги иқтисодий муҳтожликни ҳисобга олишдики ёки Расулжон аканинг юзидан ўтишолмадики, ҳарқалай «Риштон» давлат хўжалиги раҳбарлари Баракабойга прицепли тракторни бериб қўйдилар. Аммо гумроҳ йиғит бу марҳаматни ҳам тўғри тушунмади. Ҳаром йўл билан бўлсада, мўмай пул допиш дарди билан «оғриб» қолди. 1991 йил 8 сентябрь кuni тайёрлов идорасига қарашли кушхонага гушт олиш учун борди. Бу ердаги муҳитни обдон ўрганагач, изига қайтди. Қош қорайган маҳалда эса ҳамма ишчилар кетганига ишонч ҳосил қилгач, яна кушхонага йўл олди. Қоровул Эргашали Қодиров бу маҳалда ширин уйқуда эди. Пайтдан фойдаланган Баракабой тўрт минг сўмлик бир бош новвосни ва 2 минг 600 сўмлик ғунажинни ими-жимиде етаклаб чиқиб кетди.

Эртаси кuni кушхона қассоблари аюҳаннос солиб ИИБга боришди.

Жиноят қидирув хизмати оператив вакили милиция капитани Маъмуржон Аҳмедов, милиция катта лейтенанти Тоҳиржон Маҳкамов ва кинолог милиция сержанти Эргашали Акрамовлар биргаликда жиноятчи изидан тушдилар. Қидирув ишлари роппа-роса бир кеча-кундуз давом этди. Жиноят иссиғида фош этилди.

Бу сафар Баракабой Қурбонов Ўзбекистон Жумҳурияти ЖМнинг 114-моддаси 4-қисмига асосан беш йил муддатга тиканли симлар ортига жўнатилди. Унга тегишли мол-мулк эса давлат фойдасига мусодара этиладиган бўлди. Ана шу тобда Расулжон акага ачиниш билан назар ташладим. У янада мунгайиб қолганди...

Саминжон ИСМОИЛОВ,
Риштон тумани халқ суди қозиси.

Хўжанд вилоятдан Фарғона вилоятига кираверишда Андархон қишлоғи бор. Уша ерда яқин-яқинларгача Бешариқ тумани ИИБ ДАН ходимлари сергак туришарди. Энди эса моддий-товар бойликларини назорат қилувчи давлат инспекциясининг пости ташкил этилган.

— Постимиз қўшни жумҳурият чегарасида жойлашганлиги учун ҳам кечаю кундуз хўшёрлигини қўлдан бермаслигимиз керак, — дейди катта инспектор милиция лейтенанти Фарҳод Мадиев. — Акс ҳолда бир неча сониялик гафлат жуда қимматга тушибди мумкин.

Чиндан ҳам шундай. Бу фикрнинг нечоғлиқ ростлигини биргина февраль ойида қўлга киритилган муваффақиятлар ҳам тасдиқлайди.

Шу йил 5 февраль кuni улар Қўқондан Самарқандга йўл олган «Икарус» белгили автобусни тўхтатишди. Текширишлар жараёнида йўловчилар орасидаги нопоклардан бири эски нархда

ХУШЁРЛИК
ПАНД
БЕРМАЙДИ

1 минг 22 сўмликдан ортиқ автомобилларнинг эҳтиёт қисмларини олиб кетаётганлиги фош этилди. Агар назоратчилар озгина хотиржамликка берилганларида, ўша нопок ўратепага етиб олган бўларди.

7 февраль кuni эса Андижондан Тошкент шаҳри томон елиб бораётган «ЛАЗ-699» белгили 04-47 АНИ рақамли автобусга тўхташ ишораси билдирилди. Одамлар милиция соҳасидаги янги хизмат ходимлари текширувига тез кўникиб қолишган экан, ҳеч ким таажубланмади. Аммо улардан бири ўзини қўярга жой тополмай қолди. Хал-



Кейинги пайтларда истроҳат боғларида, кинохоналарда ҳам кўнгилдагидек ҳордиқ чиқаришни муҳофаза қилиш керак бўлиб қолди. Ўзини тутолмайдиган айрим маданиятсиз ва тартибсиз шахслар дам олувчиларнинг гашини кўзга тикиб, тинчлини бузадиган қилиқлар чиқаришади. Ҳатто жиноятга қўл уришади. Хайриятки, милиция ходимлари бор. Улар кишиларнинг мазмунли ҳордиқ чиқаришлари учун, бирор кўнгилсизлик юз бермаслиги учун астойдил хизмат қилишади.

СУРАТДА: милиционерлар Радиф Зайниддинов ва Николай Руденколар хизмат пайтда.

Сураткаш мухбир Ҳ. ШОДИЕВ.

ишлашимиз зарур. Шу ўринда айрим мисолларга мурожаат қилиш жоиз, деб ўйлайман.

Электр симларининг қисқа туташishi натижасида Самарқанд туманининг Янгиобод қишлоғидаги арзонлаштирилган моллар дўкониде ёнғин юз берди. Лекин ўша автомат мосламанинг беминнат хизмати туфайли фалокат ўз вақтида бартараф этилди ва давлатнинг 84 минг сўмлик моли сақлаб қолинди. Шунингдек, Тошкент шаҳридаги «Чорсу» дўкониде ҳам безътиборлик билан чекиш оқибатида ўт кетди. Бу ерда ҳам яна автомат кўриқчиларнинг серсавоб кўмаги қўл келди. Натижада 50 минг сўмлик халқ мулки ёнғиндан омон қолди.

М. ИБРОҲИМОВ,
ички ишлар вазирлиги ёнғиндан сақлаш бошқармасининг бош мутахассиси, ички хизмат майори.

ЖУДА ТЎҒРИ

Милиция майори Акрамжон Умаровнинг шу йил 15 февраль кuni чоп этилган «Сиз нима дейсиз?» номли мақоласида кўтарилган фикрни бутунлай қўллаб-қувватлайман. Бу фикр айна пайтда — мустақил жумҳуриятимиз ички ишлар идораларида кадрлар масаласини ижобий ҳал этиш жараёнида муаммони ечишнинг бирдан-бир тўғри йўлидир.

Мен ҳам 1978 йилдан бери милицияда хизмат қилиб келаяман. Уша пайтларда ИИБде яқкаю-ягона бошлиқ бўлиб, қолганлар юмшоқ курсида ястаниб ўтирмас, аксинча амалий иш билан шуғулланарди. Ҳаммага қўлай эди ўшанда. Чунки бир кишидан топириқ олиниб, ўша кишига ҳисобот бериларди. Жамоада гуруҳбозлик, фисқ-фасод гаплар, тушунмовчиликлар мутлақо бўлмасди. Ҳар кимнинг қилган иши кафтда тургандек кўринарди.

Энди-чи? Муаллиф айтмоқчи, оддий ходимлардан раҳбар ходимлар сони кўпайиб кетди. Амалий иш билан шуғулланадиганлардан кўра ҳисобот талаб қилувчилар кўпроқ. Мисол учун мен ишлайдиган туман ИИБда бошлиғимизнинг уч нафар ўринбосари бор. Аммо аҳвол ижобий томонга ўзгаргани йўқ. Бўлимдаги улов воситалари ҳам кўпинча уларнинг тасарруфида. Шу сабаб жамоада носоғлом муҳит барқарорлашиб борапти.

Т. АСАДОВ,
Шофиркон тумани ИИБ баюратта етмаганлар билан ишлаш бўйича катта инспектори милиция капитани.

қимиз айби борнинг оғри қалтирайди, деб бежиз айтмаган экан. Ундан давлат нархида 3 минг 350 сўмлик 15 хил истеъмол буюмлари мусодара қилинди.

Худди шунингдек, Тожикистонда сотишга мўлжал-

ланган 1 минг 995 сўмликдан зиёд газламалар ҳам тўхтатиб қолинди. Йўқса, «ЛАЗ-699» белгили 25-44 ЛБЛ рақамли автобусдаги ноёб моллар ўзимизда етишмасида, Хўжанд бозорини обод қилган бўларди.

— Умуман, хизматимизнинг ҳар бир кунини ана шундай саргузаштларга бой бўл-япти, — дейди Фарҳод Мадиев сўзини давом эттириб. — Ҳамкасбларимиз милиция кичик сержантлари Бахтиёр Парпиев, Носиржон Насиловлар билан биргаликда юртимиз бойликларини қўриқлашда кучимизни аямаямпмиз.

Р. УСМОНОВ.

ТАКЛИФИМ БОР

ТОЗА ҲАВО—
ТАНГА ДАВО

Фарғона водийсида Қўқондай серулов шаҳар бўлмаса керак. Билишимча, яқшанба ва чоршанба кунлари шаҳарга яқин туманлардан, бошқа ёқлардан 7-8 мингтача енгил ва юк машиналари келаркан. Агар бунга шаҳарники ҳам қўшилса борми?

Шунча транспортдан чиқадиған заҳарли газлар атрофни қанчалар булғашини тасаввур қилинг.

Аммо ДАН ходимлари бурқситиб тутун чиқараётган автомашина ҳайдовчиларига нега чора кўришмайди? Ахир, одамга ҳаёт бир марта берилади. Наҳотки, бу қисқа умрни ҳам турли зарарли дудлар билан заҳарланиб ўтказсан.

Ҳурматли ДАН ходимлари, сизлардан илтимос, тез-тез «Тоza ҳаво» операциялари ўтказиб туринглар!

С. САИДҚУЛОВА.

КУПОНГА ЎТ ТУШДИ

Янги йилнинг 15 январиде «никоҳдан ўтишган» сўм билан купоннинг кўша қарншларига қафолат бериш мушкулдир-у, лекин уларнинг «асал ойн» кечаётган ушбу кунларда бир-биридан бир сония бўлсада, ажралиш мумкин бўлмай қолди. Шунинг учун ҳам бир вақтлар фақат сўмнинг пайида бўлган ўғриллар эндиликда унинг кўз очиб кўрганини ҳам излаб қолишди. Айрим жойларда топишяпти ҳам.

Масалан, Денов шаҳридаги 1-почта бўлимига бир бало қилибми, уч-тўрт бало қилибми, кириб олган «қора ботир» 80 минг сўмлик купонни олиб кетибди.

С. ЭРКИНОВ.

ЭЪЛОН

Шу йил 26 февраль кuni олий маълумот ҳақидаги дипломин ва паспортимни йўқотиб қўйдим. Уни соат 14.30 билан 15.00 ораллиғида 16-шаҳар касалхонаси яқинида ёки Саломатни торкўчасида топириб қолдирган бўлишим мумкин. Паспорт ва диплом Турсунов Джавад Шавкатович номига ёзилган.

Топиб олиб, қайтариб берган кишига суюқчи пули берилади. 397-686 рақамли телефон орқали соат 13.00 дан 17.00 гача хабар бериш мумкин.

«01» ОГОҲЛАНТИРАДИ

ОЛОВНИ АВТОМАТ
ЖИЛОВЛАЙДИ

«Ўт балосидан, сув балосидан асрасин», — дейди халқимиз. Дарҳақиқат ёнғин даҳшатли фалокат. Айниқса, фан-техника тараққиётининг юқори чўққисига чиққан айна кунларда оловни жиловлаш энг долзарб муаммоларидан бирига айланди. Хўш, ушбу муҳим масала бўйича кейинги пайтларда қандай диққатга сазовор юмушлар амалга оширила-япти?

Ўтган йили Ўзбекистонда 3700 корхона ва идора ёнғинга қарши автоматик воситалар билан жиҳозланди. Бу мусламаларнинг ўзига хос хусусиятлари шундаки, улар тутун чиқаётганлиги,

олов алангаланаятганлиги ҳақида зудлик билан хабар қилади. Жумладан, ўтган йили жумҳуриятимиздаги 118 та давлат идораларида ва корхоналарида ёнғин содир бўлиб, юқорида қайд этилган автомат воситаларнинг ўз вақтида огоҳлантириш натижасида 113 миллион сўмлик давлат мулки сақлаб қолинди.

Маълумки, ёнғинлар одатда бизнинг бепарволитимиз, шошқалоқлигимиз оқибатида рўй беради. Шунинг учун муассасаларда, корхоналарда электр ускуналари, бошқа ўт чиқарувчи ускуналар билан гоят эҳтиёткорлик ва диққат қилиб

МАНЗИЛГОҲИМИЗ: 700029, Тошкент, Ломатини кўчаси, 1.

Ўзбекистон Жумҳурияти «Шарқ» нашриёт-матбаачилик концерни
700083, Тошкент, Ленинград кўчаси, 32.

Телефонлар: муҳаррир — 54-37-81, муҳаррир ўринбосари — 39-77-23,
муҳбирлар бўлими — 59-26-56, 59-20-92, ушунинг бўлими — 59-21-21.

Обуна рақами — 84615. 43930 нускада чоп этилади.